



Leonhardus ab Harrach ex honesta familia natus, & in omni genere uirtutum optimè educatus est. Is à pueris bonis literis incubuit, & in ijs egregiè profecit. Postea quoq; bellorum studia secutus, rei militaris magnam cognitionem acquisiuit, atq; ideò omnibus gratissimus extitit. Accedebat & rara prudentia & uitæ integritas. Id cum Ferdinãdus Imperator exploratum haberet, eum intimum consiliarium habuit, atq; res magnas suo nomine expedire iussit. Postea quoq; cū quorundam honestorum officiorū magister hæreditarius esset, Maximilianus rex eum supremum Cameraarium constituit, & plurimùm ob multas corporis & animi uirtutes dilexit. eum quoq; cum 1562 Franckoforti Cæsar eligeretur, semper secum habuit, & ei sua consilia communicauit. Hinc factum cum officium suum ubiq; præstaret, ut omnibus innotesceret, & Cæsaris curiam plurimùm exornaret. In eo uitæ genere Leonhardus etiamnum pergit, & inter Austriae proceres conspicuus existit. Anon.